

養
默
山
房
詩
藁

養默山房詩藁卷二十五

松滋 謝元淮 默卿

朐海集三

甲午

京江曉泛

濛雲海湧朝暉解纜金山風正微小艇衝煙躋岸
轉驚鳬帶水貼江飛忘情似我猶多恨止足何人肯
息機極目荆湘春樹遠一帆天際幾時歸

沙漫洲守風

顛倒楊枝拂面吹江烟江雨總迷離臨流莫羨揚帆

快破浪乘風各有時

正好園花欲放時
沙汀艤棹意遲遲
一風五日連昏曉
太覺輕狂十八姨

遊攝山

一名
棲霞

名山如佳士顯晦各有緣表彰經點綴勝槩斯能全
山爲尹文端公所開
泛舟黃天蕩來往三十年縹渺望高峯未
得一登攀昨因石尤阻繫纜垂楊灣春禽曉相催勸
我起遊山鼓興攜雙屐步步驚奇觀遷迤過山嘴松
柏青蔚然樓臺雲際出磴道空中盤林花初著雨流
水鳴濺濺藤蘿牽衣襟松鼠出人前側渡桃花澗下

飲珍珠泉

泉在般若臺前

幽居

菴名

境幽邃古佛誰所鑄

千佛巖

霞心

菴名卽古佛菴

山之中烟霞面面環仰視浮雲表孤嶺

高摩天踞石且暫憩猿徑還獨穿前峯忽在下已陟

孱顏巔大江流不盡滄海浩無邊帆檣紛下上飛鳥

自往還偶然寓遊目過迹隨春烟安得天地內不朽

如山川茲山太古初棲息餐霞仙塵蹤漸逼處仙去

落人寰自邀

翠華幸蕙鬱增娟妍樹木應護惜

山中樹木多被僧民伐賣保此

青巒屹嵯峨予苦劬勞隨境強爲歡徘徊聊自喜莫負

今朝閒小雨歸路滑飄風生薄寒出山重回首迷離

暮靄閒

黃花涇覆舟行

二月十二日

東風三日雨冥冥小舟待順荒江濱欲前不前閉牕坐破浪屢思衝風行剪江入牖泛小水百丈牽挽尤
砰砰繁驥四蹄空蹀躞縛鵬兩翼難飛騰曉出梁溪
風忽轉飄飄恍若駿雲斬勁箭離弦丸走坂涸魚縱
壑韁脫鷹榜人道此風頭惡勸我暫纜垂楊汀我笑
且言胡太怯連朝抑塞今始伸曾浮江漢航渤海况
茲衣帶青盈盈兩涯村塢過眼瞥千林老樹鳴不平
此時意氣輕宗慤直擬博望探仙津突過滻墅關遙

望金闕亭斜溪通虎阜地名黃花涇斗覺天向正北
傾滿船亂噴蛟涎腥船脣沒水船底見蒲帆葉葉銷
浮萍岸水東西那復辨但聞拉雜摧砰轟一躍身在
水浮沈波面隨鷗鷺再躍復登舟倒控船背騎鯢鯨
四顧舟人逃生急一僕獨不見合八艙內暗無聲對
面號呼忍莫救船船風利帆帆輕生死何關外人事
千聲萬聲聾不磨絕處逢生荷天幸迴飈吹傍沙邊
橫馮河亂流達彼岸號召始有村農聽溺人待拯在
呼及從容論說方紛爭令操舴艋就船繫引歸橫港
齊牽繩砉然舟正天日朗水底爭看人重生我行泥

中襪不履曹衣出水猶兢兢西隣老叟差好義解衣
衣我燃荆薪魂定自嗟多坎壈偶然放誕封姨瞋昔
年破舟老鶴觜嘉慶二十一年事楚江幸未哀沈淪今日覆

舟黃花涇淋漓直扣馮夷局人生能堪幾快意從今
慎勿誇揚船牒子相送來寓館兒孫環繞疑非眞老
妻聞之悲轉喜遽烹伏雌羅杯鎗還家正好花生日
一樽聊壓驚魂驚

三月十九日同人共集寒碧莊補修春禊並
餞予朐陽之行時愁霖乍霽花鳥爭妍遊
客如雲亭臺入畫流連竟日觴詠極歡會

者十三人朱酉生

綏

沈閨生

傅桂

趙辰甫

李式齋

如金

吳清如

嘉淦

金心畲

晦善

戈順卿

載

朱立齋

紫貴

尤榕傳

崧鎮

栽

毓元

沈朗亭

亮

吳幼青

汝済

者三人朱條生

榆

張詠仙

肇辰

韋君繡

徵也

諸君各有詩予亦勉成此章以志一

時之勝云

海上離羣笑轉蓬尋芳暫喜賞心同一時裙屐來天
外四面樓臺入畫中乍醒嬌花猶帶雨含情弱絮欲
因風啼鵑且緩催春去綠鬢酡顏酒正紅

度漢澤湖移設水師營地由蔣翟霸渡湖

盡探湖中勝槩歸寫八圖併系以詩淮未

獲陪遊披圖嚮往爰步八律原韻按圖補

和之

功奏安瀾告厥成金堤繕轡喜同行重臣舊識陶公
畧才子爭傳李嶠名雁戶宣防欣保障鯨波設險費
經營周巡一覽無遺策爲有胸中武庫兵

右高堰隄行

亂峯高下錦成堆展作圍屏四面開靈蹟至今藏水

域龜山沈牛源卽庚辰鎖巫支神處仙蹤何處問丹臺老子南以老子煉丹得名氣吞盱泗浮天遠瀾倒東南特地迴羸得俊遊傳萬口謫仙人共令公來

右老山晚眺

烟波浩渺景常新欲訪乘槎海國民來匯竹竿流漸大齊召南木道堤綱淮水自羅山縣城東北流合竹竿河來注之導從桐柏氣初馴探源好補河渠志作織還宜瀟蕩人橋櫂不須重莅止長淮千里早知津

右淮瀆尋源

一鎖支祁靖碧流五臺山色遙清幽龜山有五峯禪亦名南五臺

僧有術燃金臂鐵佛無因點石頭山爲五百梵僧遊止之地舊有一千五百鐵羅漢宋天禧中金告禪師構無量殿覆之今皆傾圮漂淪於木雙節飄賜臨福地萬峯飛舞逐仙舟此來覽古兼觀俗不爲名區紀勝遊

右龜山訪古

百四名山喜乍經

盱眙共一百四山

化工隨意肖羣形眼中

疏鑿勞童律掌上嶽崎壁巨靈大壑生風騰虎氣空潭過雨挾龍腥何人結屋深崖裏應被泉聲聒夢醒

右盱眙看山

秀擷全湖一品尊

玻璃圓滑湧瑣源

碧泉一名玻璃泉

銅瓶

細聽松風韻玉椀輕浮水月痕乍淪龍團舒露甲旋攜螭首汲雲根知公澹泊甘廉味盧陸閒來許候門

右碧泉品茗

波平如掌畫船移湖月空明夜靜時水映千峯青點點天籠四野碧垂垂安流不用佽非劍紀德應磨杜預碑遙想扣舷歌始放團沙驚起雁聲悲

右洪湖泛月

塵徧明漪積翠閒渡湖連日倦躋攀幾行雁齒停紅旆一夜魚鱗漲碧灣行水頻勞心鄭重談詩暫領境蕭閒披圖愧未陪遊屐夢繞淮西雨後山

右周橋聽雨

支硎治春詞同張詠仙李式齋吳翁青作

新晴恰好看山宜况值韶光欲暮時時三月廿二日

蘭艇載

花兼載酒簫聲吹軟綠楊絲

桃花夾道筍與輕宛轉橋中宛轉行士女如雲春似海聽他燕燕語鶯鶯

依山樓閣與雲連曲榭長廊地自偏開到牡丹花第

一寸紅萬紫各爭妍

時來燕榭牡丹盛開

鳥語呼人鶼鶼石烹茶小憩白雲泉錦鱗遊泳清池

樂

白雲泉在兼山閣後池中朱魚數百遊泳甚適

不信鯨鯢浪拍天

鐘磬聲從下界聞回看天際起氤氳若非伴侶催歸急縱目應登上白雲擬登上白雲以日暮而止

森森萬笏競朝天綠樹模糊罩晚烟且醉紅牕歸櫂酒登高畱取再來緣

遊網師園遇趙良甫李式齋沈閨生吳筠青

晚過朱酉生同飲墨池園上

花木名園竟未荒曲池涵碧傲滄浪聊因勝日心方暇恰遇良朋喜欲狂茗椀還尋泉石處笙歌不礙綺羅場歸途更訪同懷客一笑樽前意共忘

四月四日生次孫志喜辰時一刻十分二首

久役積憂勞羈懷常靡靡每因風雨宵輒復憶鄉里
仲春一櫂歸高城望邇迤帆倩封姨送裝付江妃洗
入門慶團圓康強各自喜老妻具杯盤新婦潔滌瀟
蕭女勸加餐趨走歡僕婢孫女牽衣裳孫兒索果李
喧聒盈一堂問訊紛坐起人生實大難薄秩同敝屣
放情且自豪譬若今日死獨悔別經年廢書失課子

二

本支世單傳連萼事亦偶辛未生善兒提攜常在手
從此二十年家未添一口不克光於前敢望昌厥後
前歲抱長孫開筵會親友忽忽已三齡笑啼依左右

顧此繞膝歡頓忘塵容醜昨夜大風雷其時介子丑
雨過雲復開曙光淡星斗蘭芽茁階庭喜氣充戶牖
聞聲辨英物吉辰荷天厚是日辰時最吉與姊同月日奇事
信稀有孫女庚寅四月四日午時生嗟予畿甿微半生牛馬走牽
犢枳棘叢久思事農畝爲少三閒屋難栽五株柳他
日歸林泉賴此慰衰朽

遊惠山泉亭

愛此青葱秀相看倍有情到山浮慮遣飲水夙心清
沼闊魚常樂巖幽草自榮泉亭憑眺久衣袖惹飛英

錫山松滋王公祠

公諱其勤號少月松滋進士明嘉靖中令
無錫蒞任三日卽倡築邑城工甫竣而倭
至力戰却寇邑賴以全後擢南京戶部主
事去高忠憲公爲建祠惠山麓有錫山攬
袂集二卷皆當時紳耆贈行詩文也邑人
德公甚又傳爲水仙王立祠南門外春秋
祭賽較錫山尤盛

惠泉山下列叢祠名宦鄉賢並有之誰似當年王少
月蒸嘗猶得祀松滋

與公桑梓屬同鄉軼事遺聞久漸忘今日清和逢祭

賽卻來山下拜祠堂

露筋祠

綠楊遙護芰荷灣皎日流光照珮環正氣獨爲千古

重靈風分送幾帆還

嘉慶二十年雲汀宮保巡視南漕糧艘凍阻禱于神祠卽日冰

解迅速歸次秦蒙

敕賜貞應祠加封昭靈普惠四字宮保有漕河禱冰圖

神鴉繞樹

封昭靈普惠四字宮保有漕河禱冰圖

神鴉繞樹

啼聲切

祠樹鴉

殆滿水鳥依人意態閒

是日子放四水禽于湖中三十

六湖樓上望

侯官李蘭卿觀察新建三十六湖樓於祠左

烟波常在有無

同

石華見和覆舟詩作此答之

封姨底事信譏訕欲送勞人出世閒幸是江神憐直

道水晶宮外許生還

幼傾夙雅喜微詞滿紙波濤每自疑多謝冰夷藏我拙奚囊洗淨更無詩

覆舟後近詩二卷漂沒於水胸浦無事靜憶重錄以質雲伯丈承惠佳篇賦此奉和

敝笱千金漫自珍忽驚漂失歎沈淪茫如蜀道追亡將恍若湘江遇故人再畫蛾眉粧似舊重看花樣錦疑新流傳眾口吾何有願向滄波一問津贈詩勸付
剗刪有好

將新咏播江湖之句故及之

古屋

古屋何年構經營忍遠拋窗虛蜘蛛補網牆破雀爭巢
雨漏牀濕風來面面交道旁成不易獨處憶衡茅

悼孫女蘇大姑六月十二痘殤

愛孫甚愛子孫女尤可憐嬌養四五歲問訊衣能牽
今春還鶴市呼之強來前雙丫初分額小手握兩拳
攜弟圍膝下爭求餅餌錢閒解作吳語每怪阿翁惺
得錢走入房始聽笑聲歡我時心竊慰賴此娛華顚
出門甫兩月惡耗驚遠傳季夏日丙午倉卒向黃泉
哀此掌中珠一墜失重淵弱魂怯永夜喚咻誰保全
吾兒隨朐海痛女心悲酸亟令作歸計揚帆乘夜船

送兒登舟去南望轉悽然骨肉僅八口去住兩懸懸
將離愧鶴鶴到處飛聯翩

偕曹良甫比部

林堅

魏默深舍人

源

吳清如

孝廉嘉溢遊雲臺山

觸熱動遊興客居乃好奇聯舟發板浦葭葦青依依
沿流遡小溪隨帆繞山陲厯厯雲霧中隱顯羅崔巍
此時綰幽意已在蒼翠堆海潮聲何壯天風徹夜吹
蠡牕上朝日起視烟霏霏鹽蒿鋪紫罽極目黏天低
滬灘平若掌村馬劣能騎久憇髀肉生揚鞭竟分馳
行行渡溪澗望望森屢屢相將入茅屋得住且徘徊

由第一天門度竹節嶺至南天門

日高嵐氣淨巉巖露清挺雜花滿來蹊漸陟幽僻境
天門門九重循行路初引馬踏亂石閒喘汗不能騁
平視香爐峯高躡竹節嶺未覺登頓勞暫休氣轉猛
清飈颺然至間闊凌虛迥一覽萬山低滄波涵溟滓

九龍澗

乘高勢忽下幽谷徑可通盤盤入釜底面面立危峯
壑泉匯九派一一翔驚龍奔竄石橋下交趨聲洶洶
草木沾潤澤林樾常青葱平仲垂萬綠若榴簇深紅
棗栗雜燃柿藤蘿施老松濃陰卻毒熱披襟喜微風

金碧煥天半樓閣出雲中卽此神仙宅何處尋方蓬
石巡盤旋上至三元宮

舍騎還仗策馬嘶足力酸不有卑趨易焉知仰登難
步步著寶地可無顛躡患遲回穿磴道已在青雲端
山僧披雲來相迓霄漢閒前年從幕府旌旆拂晴巒
題詩在寺壁紗籠墨初乾今茲景不異氣象覺改觀
豪興雖未減我輩終酸寒解衣就東軒月上好同看

過屏竹社登青峯金牛絕頂望海

山高地易隘寺西獨幽曠竹社竹爲屏木石任舒暢
破壁蟠古根湧泉積清漾徐行過小橋仰覆駭飛嶂

粥魚喚遊人出林眼愈放賈勇忽先登默深舍人卻步屢退讓清如
子與良甫比孝廉掉臂來于于共躋青峯上子與良甫比胸陽百里閒最高此莫抗大海浮圓穹長風送遠浪天
地與同流元氣資鼓蕩壺嶠應可尋煙霞非一狀歸話細追評奇觀信跌宕

倒座巖

俗呼後頂舊有觀音寺今廢

一龍上山來一佛下山去龍止不敢前佛乃趺座住
山後一峯昂首怒立至崖而止俗名上山龍下山佛萬古海山中煙雲常擁護
昔有立禪僧三年立此處開山僧無相立山崖一石上不避寒暑風雨但食松枝三年不下石上腳痕深寸許今名立禪石遠近朝禮之遂爲創修此寺蘭若竟煥然倒

生垂寶樹

崖傍有菩提樹
剗生是其遺迹

遂令層巖閒鐘聲催夢寤

至今遺址存

順治十八年裁海
令下此寺遂廢

瓴甓散草露瓶興各

有時吾亦隨所遇明朝看日出清風尋海曙

海曙模
在清風

頂傾圮已久時雲

汀宮保勸諭修復

重訪蟠龍丈人

雲臺多古松丈人吾老友未訪十八公先尋支離叟
遙見已欣然青青意良厚摩挲復盤桓與我周旋久
不侔處士梅合竝先生柳嘉名荷品題蛟鼈勢結紐

雲汀宮保題蟠龍丈人四字勒石松下

託根盤古前垂蔭千載後從此
傲風霜茲山同不朽

去蟠龍松數十武崖下復有一松著地盤繞
枝幹虬屈之奇畧與丈人埒殆其匹偶歟
因刪蘿草叢爲表出之

物皆有雌雄龍性尤變異豈得松丈人鰥處獨無配
東去卅弓餘有松亦善睡偃蹇勢久潛時露擎雲臂
勁節秉貞心林下具風致固宜偶臥龍唱隨助闋內
荆棘爲剪除枝葉遽斌媚執柯記吾曾雙入雲濤戲

七月望日同艮甫默深騎馬金牛頂行叢石

中十五里至東磊

山馬習登山駛驛盤巖阿橫斜升峻坂度險如平坡

金牛高復高聯轡凌嵯峨巔雲收未淨靄靄鋪輕羅
馬蹄青破碎蹴踏雲之窩相顧不得語撲面天風多
下方望縹渺或恐訛傳訛隱約三神仙騎馬雲中過
前卑後益峻亂石行逶迤回首先驅處尖峯青擁螺
遙知近石礧

東磊亦名石礧山

樹木交枝柯

圍屏山

順坡十里餘勢欲到平地如何足底峯回看仍雲際
羽士笑相迎真從天上至山麓石削成壁立若屏衛
老樹根青冥點綴成異致倒景凌滄波萬里喜澄霽
小島浮雙螺

山下爲延福觀門臨大海有大小金蟬島蟬噪聲時響

斷續聲

如燕語

櫻桃數千林枝枝布濃翠常聞暮春時採摘

爲異

東磊櫻桃最盛成熟時婦女

聚佳麗

東磊櫻桃最盛成熟時婦女羣往採摘遊人多攜酒聚觀

今來值新秋且

共竹閒醉

石海

海水高如山山石多於海磊砢多爭奇是名爲東磊
當在混沌初天地涵一水高下勢旣分淘激形未改
作此萬狀殊使我心目駭大者爲連峯小者爲巾几
爲屋爲燈檠爲船爲鼎鼐爲蛟蜃魚龍爲虎豹犀兕
爲峽透天光爲洞入地底萬類靡不爲想像皆可擬
來往人定仙雕盤工疑鬼攀援誠好事失足那容悔

予與默深登山尋仙人洞出
入履險默深失足墮隻履連朝肆幽探奇險無過
此夕陽紅半岑歸鞭指嵬礧

由東磊登山復騎經金牛清風頂下宿三元

宮

奇境如奇書不求解最好兩日搜行秘探討殊難了
力疲興未闌歸路望雲表馬飢急奔槽奮迅追飛鳥
一一逾來峯行行入竈窻下瞰水簾洞林樾翳叢葆
拂座晚風清開窗明月皎把杯攄所欣暢懷同傾倒
胸海住三年憂勞常草草我輩聚應難茲遊其可少

奉檄攝贛榆縣事渡海至青口

奉檄乘潮向祝其重遊舊地意遲遲經營禹策會三
載體貼輿情此一時漫喜專城新作令深慚夾道遠
來窺雲山指點都無恙畱取他年去後思

巡閱邊境由柘汪海濱至黑林

一路青連畝鹽池白水邊雨餘民氣靜秋熟鳥聲圓
山勢分齊魯波光混海天拊循兼勸課立馬意悠然

吳山

治西北四十里

吳山分兩省高處半陰晴絕頂多雲氣中宵送雨聲

志載吳姓居此歿而靈異封顯惠王遺冢山嶺建廟祀之禱雨輒應

嵐光吞遠海黛色

映孤城

巖壑幽峭形家謂龍脈東行爲縣治

漸喜流亡復荒田好力耕

山西余家溝村民夾路而居土牆廢址甚多因連年
荒歉男子死徙婦幼轉賣舊有三四百家今存寥寥
數戶田皆拋荒而糧冊猶存追呼不已詢訪之下嘆慨久之

夾谷山

治西四十餘里

與吳山相望

玉帛修文地千秋氣象新便應昌聖道何止服強鄰
草木猶霑化雲泉盡可親登天極景仰進步敢逡巡
山嶺半曠遠眺百里外有石勒宜若登天然五字

養默山房詩藁卷二十六

松滋 謝元淮 默卿

朐海集

四

乙未

和雲汀宮保重遊雲臺山韻

閱伍朐陽喜再行海波如鏡仰環瀛

重修三元宮題匾環瀛仰鏡

隨車膏雨沾恩澤

時方旱得雨

滿路香花聽頌聲

三場竈戶感票

鹽之恩建報功閣於雲臺山

樓閣乍開初日景

重建海曙樓於青峯頂以觀日出

烟霞還證舊時盟前旌已入高公島極目蒼茫一水

盈

時赴高公

島觀海

重登艤舟亭

艤櫂東門外，鬢仙舊此亭。
竹風蠲熱惱荷氣，送微馨載酒思前度。
題詩紀再經，幽禽如有約。
兩兩喚人聽，重過舊邳州。

入境先教意豁然，禾麻徧野早秋天。
黃流尚繞沈城下，綠蔭猶遮古驛前。
應有客傳搔首句，幸無人斂捋鬚錢。
峯巒色遙相迓似笑遲來已。

嶧勝道中見捕蝗者

飛蝗不入中牟境，異政曾傳守令賢。
近日饑蟲公道甚，無分畛域滿秋田。

急如風雨蔽空來百畝良苗頃刻灰尙有青青遺穗
好這回應道不爲災

界河驛題壁

穆穆楊柳數行斜暫豁塵襟望眼賒一水拖藍縈曉
渡雙輪鳴玉走晴沙勝鄒接壤風猶古葛嶧連峯景
倍嘉闔闔喜邀

天路近紅雲高處認京華

汶水河

汶水清如許漣漪萬象涵發源來岱下分澑入江南
待渡人方切爲舟我更慚昔賢思宛在泉味飲餘甘

重過西楚霸王墓

四圍山勢立嵯峨古墓依然滿綠莎儂是楚人
工楚些爲王憎聽罷高歌

白日銜山野氣涼低徊久立意蒼茫何如磊落江東

客牛酒琵琶饗大王

謂王仲瞿孝廉

德州詠古

燕兵南下勢乘虛殺將屠城草不如飛牴忽驚殲馬首當時膽碎鐵尙青

自殘骨肉禍蕭牆慘戮忠良事可傷到死不甘回首
視覩然顏面愧燕王

德州志感

雙衛南來薄暮天，德州城下趁篷船。分明將子同行處，風景恩恩廿四年。

壬戌三月侍先君於此趁舟至天津

道光元年十五年兩次恭逢

勅贈

撫景

恩光兩錫慰重泉

覃恩俱邀

勅贈

撫景

追思倍黯然，極目風中何樹靜。亡詩莫補白華篇。

庖人墮車折脰作此寬之

馬用以駕車，債轍有時敗車。用以載人，顛越有時墜控。御貴得宜馳騁，乃無礙旬日崎嶇。閒屢申徒侶，誠奈何一不慎致此。終身害南人，習乘舟登車已困憊。狎聽鱗鱗聲，竟爾昏昏睡。一身跨車轍，雙足垂轍外。

馭夫居車左相倚摩肩背軒輊過低昂掀墮始驚悸
當轍一足橫倉猝奮螳臂馬逸不能止輪轉骨已碎
痛楚慘呼號相視徒歎喟道旁來禿翁自云術起癩
碎骨使重完藥石謝砭艾推挐束縛之居然還故態
爲言不子行可期百日內我馬方北途恩未遑待
調治畀翁家歸擬後車載自慨數十年命與磨蝎會
每逢喜慶先輒有小不快今汝無妄災或亦予所累
貽汝醫藥資安心務忍耐兀者魯叔山無趾尊猶在
不見囹圄囚有足反梏械他日健步時勿忘前車戒

八月十九日

漳河衛河諸水皆匯於天津出大沽入海一鎮擁

神京風土徵繁富絃歌仰

聖明地方富庶人文尤盛客遊重至止無限故園情

丙申

首夏

獨步閒庭日幾回尋常祇有燕飛來一春花事恩恩
過砌下紅榴又欲開

初秋庭前鳳仙花盛開

冷落風光朐海濱女兒花發最宜人滿庭紅紫爭秋
艷爛漫何曾減卻春

禹城道中

路入清河縣園林綠漸稠野花團細蝶塘水狎輕鷗
術賦狙三莘人同駱一址空勞行觸熱得憩且遲留
御書印心石屋圖卷題奉雲汀宮保三首

風雲際時泰

一德歌明良經綸旣獲展允惟邦家光肇績始蜀晉
敷澤彌三江東南資砥柱力挽隕波狂湛然心印心
瀛海涵汪洋如以石投水殊眷仰我

皇述職重臣盡日接香案香從容及家世

灑翰輝天章卓哉印心石高峙水中央欽哉

聖人筆臣心矢不忘

浩浩茱萸江發源蘭蕙谷

都梁山

飛流千餘里穿走萬

峯麓瀠洞聚元氣靈秀鍾耆宿三台

山名拱陶灣中有

柴桑屋贈公昔碩儒臨溪構家塾公方總角年傳經

此授讀漱石枕清流治安久涵蓄本茲介石貞勲繼

八州督平生忠孝心猶復戀松菊無地起樓臺應待

沙隄築

吾家松滋渡居與澧水鄰資江合沅澧匯入洞庭濱

源遠流自長汲飲思清醇況近春風座屢羨桃李春

宮保主講澧陽書院時元淮欲往受業未果

自愧一卷石硃硃磨不磷一

且荷拂拭拔灌出沙塵公身爲柱石公心止水清萬
流歸仰鏡幹國憑衡鈞廣廈庇天下福我康衢民此
心照汗簡此圖傳千春

和麟見亭河帥慶放囂詩原韻

天挺濟世英早負康時具霖雨回枯槁旭日掃烟霧
造化運於心虛明鮮蔽痼憐抱痼痕經綸爰展布
卓哉麟大夫飛黃陋駑步治河以衛民保愛全廬墓
孚信及豚魚游泳任機數修罿胡爲者竟與江波誤
蹭蹬困豫且網羅不能去何幸逢清輝塵中偶一顧
贖之袁江浦載之邗江路金焦青滿船爲梁此堪渡

再縱再來歸豈乏窟穴處得勿塵遊久恐干龍王
願入焦山池且依慈雲駐款款愛物誠隱度得其故
一笑付山僧飛潛隨所悟池水深復深鱗介樂相附
從此聽蒲牢山靈永呵護

宿城龍湫禱雪

宿城龍湫中下有神物蟠雖潛幽壑底氣引青雲端
我來建子月久晴適冬乾山澗涸露底細溜鳴潺潺
迤邐匯沈碧水氣森然寒麥隴方待雪老農坐愁歎
何時作玉戲慰我蒸黎歡呼龍龍欲起四嶺雲漫漫
胸海程氏治冢雲臺山下得古鏡或曰秦時

物也上花鏽蝕不合時用詩以慨之

破冢飛明月祥雲湧四陲古光埋素魄蟾影弔蛾眉
剝蝕難爲用模糊轉是奇海濱多怪物韜晦此其宜

馬棚灣沈舟詩十二月二十四夜

歲暮猶奔波揚船宵繼晝幾日發金陵打槳邗江又
夜半渡珠湖殘冰帶波澑忠信仗平生酣睡忘更漏
巨艦方乘風無端與石湊猛覺大地翻幾疑天不覆
側眠忽倒立但駭風浪驟倉卒攬衣裳匍匐出水竇
滿船大喧呼號哭亂婦幼曠野闊無人夜深誰拯救
賴有瓜皮艤來往若神祐踉蹌彼岸登淋漓襪履透

其時正嚴寒殘月映衆宿氣咻冰結鬢手空風侵膝

踏蹠到天明燎衣爭火就嗟此馬棚灣堵決功苦奏

片石誰所留遺害等伏寇自信非湘累魑魅徒領候

道旁野人家得庇敢云陋犬吠在何許奈茲鮑肆臭

雖射短狐沙終荷皇天宥故人專城居

高郵馮曉江刺史輕

舠門往扣煖客羅酒羹冠裘殷勤授嗟予數多奇祲

祥每雜輳沈舟今已三安穩幸如舊從此萬福來永

慶松喬壽

高郵旅次作

琴囊書匣蕩無遺旅館悽涼僕從悲誰信楚狂當此

夜銜杯方草覆舟詩

鳳凰橋弔溺者

倉皇失足是何時
流水潺潺恨已遲
我爲弔君還自慰
可憐生死判毫釐

重過馬棚灣

又到湖雲野渡間
長隄遙認馬棚灣
可堪前度沈舟處
依舊乘風破浪還

丁酉

三月二十二日生次男志喜

丈夫愛少子尤在初育時
況逢桃李月花滿千山枝

聞啼喜且驚猶疑是女兒徵蘭夢竟有鸞鷟到
自予役朐東六載星霜馳辛勤治禹筭謠詠妬蛾眉
豈無尺寸補奈彼讒口訾長男在家鄉兩孫與之隨
塊然予獨處中夜恆自思骨肉不團聚須富貴何爲

今夕大吉祥茲此階前芝大兒生辛未小兒誕春期

相隔廿六載吾衰亦可知願得看成立兄弟和壩簾
吾老歸林泉課耕兼課詩家庭有至樂歌詠游皇羲

喜長男至

五月初三日

誰云仕宦樂轉致骨肉離自汝歸鄉里三載勞予思
每得家書來欲折心遲遲常恐兒孫輩疾患失所宜

今日過淺上

安東
地名

何意汝來斯形貌喜益壯覺子鬢

添絲親戚及故舊問訊無參差幼孫獨歿卒惻惻心

傷悲

第三孫重喜本年正月十八日病殤

去歲臘嘉平歸櫂珠湖滔夜

半舟忽破得免亦已危是時竊自歎竟死復誰知以

茲重感慨思汝來扶持歸去豈不好買山愁無貰他

日雲臺麓

吾邑雲臺山俗名擡山爲邑之勝予擬卜居其下

爲築糟邱池高

田多種秫老圃還蓺葵采蔬傾村釀聊以慰渴飢汝

來始仲夏吾歸當何時

曉過大伊山望雲臺諸峯二首

曉起看山色蒼梧最杳冥白雲彌望處微露一痕青

雲氣出於山還蔽山不見天風一吹開始識眞山面

由西陬山至東陬山

西陬山過是東陬兩點青螺海際浮聞道蓬萊波又

淺會看騎馬上瀛洲二陬昔在海中今去海且數十
里鷺游門中潮落時水深五六

尺三十年後又將與

五洋湖同爲陸地矣

綠竹叢叢翠滿山

二山多生叢蘚勝他蘆葦長沙灣

蘆葦營

於龍窩蕩環繞二陬左右

一聲清唳龍窩蕩知是丹邱老鶴還

海州

產鵠皆在龍窩蕩蘆荻叢中人迹不到處遺卵哺子每當春深土人聞空中鶴唳卽知巢所掩取其卵歸抱成羈焉

繞巨平山過桃花澗出羊石嘴至大村

巨平峯勢太崢嶸繞出湖灘眼倍明澗種紅桃傳處
女志載殷氏女以桃花愈人疾人種桃樹以報之花滿澗谷羊成白石憶初平山
根舊喫濤痕壯海澨新淤蜃氣清何事恩恩歸又晚
夕陽斜映一鞭橫

由雲臺後山絕逕崎嶇下至西石島

厯險思夷途居高見平地前頂雖屢經後嶂猶多闊
今日採霞窟當快遨遊意捫蘿度峻阪古蘚粘衣翠
崎嶇繞羊腸逼仄礙鳥翅峭壁入青冥一徑雲中綴
上使猿狹愁下慮鳥鳶墜一步一躊躇匍匐穿幽隧
盤盤磨蟻旋孰謂臨下易絕徑迂迴土名盤香路回首望雙峯

已在空濛際遐哉西石島遠在東海澨孤立捍風潮
足爲斯民利西石島獨當海潮之衝鹽場并池多賴之吾人慎所處行險
敢輕試高山雲氣收大海澄波霽臨風發浩歌鷗鳥
翔而至機心吾久忘把杯聊盡醉

孫家山望海中鶯遊山

年年海濱住不來海上觀因訪祇園寺

寺在孫家山麓乃登

釣魚山

釣魚臺在山下

重洋望不極雲水浩瀰漫未知縹渺

處可有仙人寰往歲浮輕舠會到翠微閒山中看山
色祇覺青孱顏今日相對望放眼天始寬鶯山巒五

峯二島東西環

昔遊山中惟見二峯今露全體五峯相屬東連西連二島左右擁護之

恍若珊瑚架貯之碧玉盤惜無長房術縮入壺中看
大哉造化功能使智力殫萬山復萬水一一位置安
吾生偏少暇未得常躋攀披雲踰東嶺

由雞嘴踰嶺而東卽法起

寺新月照人還

宿法起寺

四面奇峯繞作城中開蘭若亦天生山民盡帶烟霞
氣臥榻時聞海浪聲

山後祇園寺與鶯游
山相對濱臨大海

竟有桃園

堪駐足真如蓬島可移情朝來試向雲端望野鶴千

羣到處迎

重過畱雲嶺

原名虎口嶺陶宮保爲改今名

自有慈雲護誰云虎口危我登高嶺望無限好風吹

雜言三首

海內弊患三曰河鹽轉漕兼之惟江南沈痼苦難療
河入中國來不復導疏導挾沙性善徒激遏每騰趙
禹後數千年治者鮮得要三策老生談聚訟久蒙誚
海口旣接淤遙颶應隨到溜緩沙卽停攔門古所號
海口舊有攔門鐵板沙
海口下淤沙亦隨徙必令尾閭通歸墟乃暢效治
水當因水豈專恃壩埽束水以攻沙片語該衆妙近
來守脯堰頗爲中窾竊減溜及拋石淺術不足微防
守日經營盛漲早應料何待伏秋時遇險方驚蹶糜

帑或未安魚民其可憚南決必合江四瀆歸一櫂

河若

南徙必由海州入海更南且與江合四瀆同歸矣

清口昔灌河急湍若怒鬧

刷黃深復深安濶歲人告何人逞私智填塞成石嶠

清口入黃處舊深十餘丈後以堵築多費拋碎石爲基每年合龍甚易而清出不暢刷黃無力駢爲中滿之遂令百丈淵涓涓淺可釣中滿患難除扼吭誰追懊

懊曾聞壑鄰丹幾見盪舟暮干檣立鄧林萬燈明野

燒竊懷杞人憂敢學蘇門嘯山應愚公移雍非智叟抱濁源倘澄清吾擬希文笑

東南重賦稅

天庾待儲胥淮黃阻南北挽送資舳艤初原民允運

繼改官代輸官民兩坐因厥害由二途其一幫費重
致令官不敷一船論千百浮取盡錙銖大戶每豪抗
小戶多負逋掊小以彌大農困愈難紓吏役皆有欠
官勢日益孤兌開豈容緩挪墊成虧虛米賤費不減
折價較市殊要錢不要米丁與官相符懲官不懲丁
毋乃令甲疎其一倉規繁附骨如癰疽白粲可爲灰
糠粃可爲珠填壑肉餒虎穿穴城憑狐規增費轉鉅
流毒剝民膚層層相吞噬如蛇蠍關尹子蠍蛆
蠍食蛇蛇食蠍蛆尾大不可掉積弊竟難除治之有二策欲語先
躊躇一改糧船製狹小易飛芻每艘六百石多亦千

石餘何爲造巨艦哉哉山不如載糧十之四此外皆
私需試看衆商舶來往輕於鷁一復海運法雲帆連
東吳在昔丙戌歲上海試行初百六十萬漕旬月達
直沽沙蠶咸利涉官民齊歡呼經紀獨非便涉險云
堪虞良法竟中輒灌運甘泥塗若以蘇杭賦改由海
道趨十激及乍浦灤溟通天衢其餘仍河運安此糧
船去河海相表裏庶爲久遠圖泉源發西北厥土本
膏腴溝洫闕未講荒廢爲沮洳仰給待吳越釀害蟠
根株屯田偶有議羣笑經生迂焉知幽薦間曾是井
田區水利倘興舉頰相盈郊墟誰能利萬世吾願執

鞭驅

天地生萬物本無官與私人強分疆界利弊乃隨之
夙沙那鬻海管氏征其資相沿逮炎漢始設官爲治
形質既各殊產地亦參差兩淮額獨重賦稅充度支
彭城至東海淮北之所基廣陵爲淮南貨殖有成規
史記貨殖傳彭城以東東海吳廣陵此東楚也按彭城以東東海卽今淮北產鹽之地吳廣陵當是淮南各場也
六朝及五代法令漸多歧宋興平諸國鹽利歸
有司官鬻通商賈州郡隨所宜元明行綱引駟僧競
刀錐民人不得賣遂爲商把持迄今數百年民困商
亦疲

國朝沿舊制惠養恩尤滋奈何不報本貪饕肆姦欺
欠帑六千萬請運猶遲遲司農仰屋歎當事卻步疑
救敝豈無術其如衆口訾道光十二載票法曾小施
課溢民食賤場竈騰歡嬉私梟化良販人無禁網羅
商情獨未洽謂言撤藩籬吠聲復吠影瑣瑣求疵疵
未審票法先充斥竟爲誰梟占不敢計販充乃可推
嗟茲行票地原屬商所遺此曹果足恃焉用更張爲
至今淮北民踴躍輸其賀求納偏不許懇切多言詞
南商虛引額安坐任睽睢長官急欲死羣議方侏離
催促百不應要挾還居奇南北試相較利鈍應已知

吾欲開利數昆刀截亂絲普行票鹽法推之四海涯
一稅任所往東西聽轉移米麥皆無禁臛法胡獨羈
畛域苟不公私復何虧恢恢寰宇內黎庶樂雍熙
往事不足論來者猶可追此策有時用此用知何時

養默山房詩藁卷二十七

松滋 謝元淮 墨卿

梁溪集

戊戌

惠山泉亭

虛領名區已四年者
番禺試惠山泉胸中塊磊銷宜
盡眼底園亭賞自偏斜照烘林嵐影淡暖風薰谷鳥
聲圓石牀古篆長松下聽
篆文在惠山寺前松石有李陽冰
卻憶當時

跂腳眠

重謁松滋王公祠

前年拜公祠愛公爲鄉彥今年拜公祠重公爲名宦

與公香火緣宦籍兩同縣公初尹錫時其年甫逾

生已稱神君死宜烝嘗薦只今錫麓祠刲始高忠憲

高忠憲公倡建
祠於錫山之麓山水揚清風頑懦生激勸後公三百

載吾慙少也賤五十膺百里猶多未諳練梁溪治恰

同先正彌仰羨下車首拜公入門顏有汗公德在錫

山久而民益念吾踵時弊深事事非民便對此救無

術應爲公所歎欲去重踟躕欲畱復悵惋惟有一寸

心相期精誠貫

芙蓉湖櫂歌

惠山泉水在山清流出蓉湖倍有情種得蓮花

蒂畱郎橋下月三更

雷郎橋跨畱郎河一名柳浪橋

三月輕寒雨霽天燒香同載木蘭船愛他柔艣如人意劃出波紋箇箇圓

沙上鴛鴦比翼還飛來飛去傍蓮灣儂家住近雙河

口雙河口在縣西南一爲運河一爲陽溪

莫放郎舟過獨山

獨山在縣西南十八里太湖中與充山對峙爲梁

溪諸水入湖處土名獨山門

堆來窑器出層檐茗椀砂壺價更廉誰把芙蓉缸裏

種芙蓉尖從此號缸尖

芙蓉湖半在民家業宜興窑貨者十六遂子爲缸尖子

女兒十五尙垂髫生長烟波態自媚怪底漁人頻問

渡桃花紅過滸

滸，一名漁溪，橋名，橫山背山臨水，春時桃花最盛。

天關地軸總尋常

水自雙河口而下，先經黃埠墩，爲天關後達太保墩，爲地軸。

戰沈沙古戰場

邑西掃蕩營爲元季水戰處，城西壕爲義士何五路等三十六人禦倭戰死處。

傳說長官清似水

今人賽水仙王，松滋王少月。

先築城禦寇

錫人至今祀之，傳爲南水仙王云。

登惠山頂望太湖七十二峯歌

具區三萬六千頃，吐吞日月涵清迴。
中有七十二朵青芙蓉，矗立水天浩森之絕境。
吾欲從之湖水深攜筇，徑登惠山頂。
是日天風浩浩吹波濤，不起浮雲開百瀆。
千瀆匯成青銅鏡，照見十州三郡溪山木石遙。

相圍有如碧霄明月忽墮地倒湧廣寒宮闕金銀臺
光彩煥耀不可以久視惟見東西洞庭映帶石公馬
躡高崖鬼其餘么麼細阜盜名字浮漚點點烟中微
三江旣入震澤定澄波滌灑光潔洞獨山門狹澑轉
急大雷小雷剗破琉璃堆吳越爭雄鬪蝸角夫差句
踐俱庸才一勝一敗不自保伍胥文種胡爲哉吾生
千載下常爲千古哀西神山頂最高處盱衡俯仰空
徘徊憶昔薄宦東山住朝朝湖上看烟霧莫釐縹渺
屢躋攀當時意氣猶馳驚身在仙寰不自知揮毫每
得驚人句一從寄迹滄浪邊夢想烟霞逾十年竭來

仍作五湖長水光山色還清妍舉杯酌山山亦喜峯
峯波際青未已平分空濛入金杯如此烟波吾醉矣
一爲高歌歌流水

村舍

竹林茅屋是誰家門對河橋一徑斜燕子來時春正
好野風開徧碧桃花

黃埠墩

芙蓉湖上月彎彎仙闕蓬萊是此閒四面波光涵一
鏡錯教人喚小金山

水月菴在墩南岸前水自流牛星殿在墩北岸上待牽牛燒香

女伴遊山轉都爲停橈更小畱

重遊拙政園

曉風初放柳絲柔緩步城隅得徑幽依水園亭全入
畫看花人自感前遊

夭桃穠李逞娉婷春色十分酒半醒誰似遠香堂畔
樹枝條不改舊時青

鬢影釵痕入望來多羅年少強追陪深情那及春風
好一樹花教萬朵開

江湖廊廟兩牽情拙政端因拙庵名冷落山茶歌懊
惱當年魂斷鹿樵生

烟垂霧接靄餘暉

船亭樓上有吳梅村手書烟垂霧接四字匾額

四照亭邊

水竹圍畢竟園林誰是主看花曾見幾人歸

嘉慶丙寅春曾

游此園

其時園爲查氏新有今又

屬吳氏三十年中三易主人矣

雨中同練笠人

廷璜

金小莊

咸

二刺史曾文

嵌

承顯

李介亭

彭齡

雨大令遊寒碧莊

園亭處處鬪春妍花步探幽地更偏

園在花街

雨隔遊

人成寂靜天教我輩暫留連蘭臯橘浦遺珠珮綺閣
瑤齒坐管絃到此都忘塵俗累餘寒新碧共澄鮮

纏龍山尾過錢橋

小市環溪竹樹幽片帆雖利日遲留人心莫似龍山

尾搭著錢橋向裏釣

龍山尾向內釣堪與家言邑人外出輒思歸者以此

苦雨用吳梅村韻

漸瀝入初更沈沈又到明漏天誰可補沃野已難耕

破浪船三驛

胥江錫山昆陵三驛馬路淹沒設快船代遞

衝泥屐一城惠

山雲黯處愁聽櫂歌聲

題大兒誨分秧圖

綠偏平疇水滿陂故鄉風景最堪思
村村四月犁耙響憶汝分秧獨立時

芒種家家趕插田各爭夏日一時先

田家有春爭日夏爭時之說

老農蓑笠隨身帶正是稱晴道雨天

莫將耕織等閒看辛苦三時禦歲寒高地種棉低種稻可知溫飽世間難

築室雲臺舊有盟買山而隱亦人情花畦菜隴經營好待我歸時自課耕

春江垂釣圖

水滿池塘柳乍齊釣竿直拂子陵溪尋常不作臨淵羨濠上歸來日又西

金羊山下小湖邊湖上家家有釣船記得春波新雨後綠陽人坐一溪烟

五月五日生第四孫志喜

去歲生一男今歲添一孫生男信可喜添孫尤歡欣
阿翁漸衰情屬望惟後昆小兒纔學語啼笑總無因
大兒守田閭耕讀頗能勤八月農事畢省我蓉湖濱
縣齋且樂敘聚首骨肉親爲言孫枝茁適會浴蘭辰
此日殊不惡古有孟嘗君王鳳顯西漢鎮惡建奇勲
崔生信富文采蕭史張萬列仙真孫也降令節亦將
高吾門他年徵吉祥應不遜古人

己亥

清明遊惠山石門道院

一名玉皇殿

獨遊得靜意徒步暢逸情深窮石徑出林嶂青相迎

巖罅漏古觀谷鳥鳴磾磼節屐吾已懶野草漫階生
龍山高九層絕頂何人行踏青沿舊俗令節值清明
簿領偶多暇來聽松濤聲忘言對晝永猿鶴馴不驚

九陽宮

塢轉山益高徑紆境逾窈叢莽罨峯臚一菴寄木杪
我踏軟塵來興逸青雲表白玉闌外花紅心屋角草
芳菲各及候點綴春容好安得日日閒林壑自幽討

讀陳恪勤公

鵬年

道榮堂集二首

楚山高真極楚水清且深風土自淳厚靈氣鍾奇英
陳公產湘渚勁骨何錚錚忠能結主知惠能治民情

不能媚權要卒能立功名至今覽遺集令我心怦怦
聞公負奇氣往往掀髯爭詩文獨委婉心迹愈光明
遺愛在江南佚事今猶榮盡瘁亦臣節難得

天語旌

公卒後可謂鞠躬盡瘁死而後已之臣

世廟恩旨有云

明德毓達人斯言竟難必不有公卿子陋巷愁蕭瑟
桑梓賴後賢楷模重前哲物色市廛中拂濯加調恤
慈使莓蘚階復見蘭玉茁

怡勤後裔六七人皆貧不能自存道光十七年陶雲

汀宮保訪得其五世孫於市中爲咨部置奉祀生一人或傳蔡中郎貌與平子匹
格勤遺像與雲雅操同清風前身定明月展卷一

沈吟芳型景餘烈

道光十九年孟夏舟次毘陵偶檢新購書得
故紙二片紀王孝子龔烈婦事感賦二章併
錄原記於左

孝子王姓無名行八長洲黃埭人幼喪父撫
於母母病醫孝子長于居腐家每五更赴傭
及晨腐成工暫輟索信市餅餃米蔬歸奉母
爲母炊訖復趨傭午後進糖果滌牗具捫疋
綴衣日暮傭竟趨侍母歡然如遺歸者旣出
懷中酒脯侑母飲食雜述市中瑣事博母歡
母笑乃喜其居距市半里餘日往反數四而

工不廢主人亦憐之如此者幾二十年母得
孝子養怡然忘其瞽亡何母病死孝子無依
居恒悲泣未幾亦死年未四十時乾隆九年

也沈藻湘盛記

母子屬天性愛慕無賢愚富貴失敬養貧賤當何如
吁嗟王孝子奉母常愉愉朝出傭工作暮還依母居
歌舞供歡笑目盲心安舒養母二十年母死兒鬻孤
高鶴聞見搜玉長洲之相
城有丐兒常詣沈孟淵乞
酒不得自食沈異之使人問其往則至野岸一小
舟泊而潔一老嫗處其中丐出所乞物另治陳嫗前
傾酒跪奉伺母持杯乃起跳舞嬉戲唱山歌以娛之
日常如此母亡後丐兒不知所終或曰以哭母死

至性出儔保風木渺愁子百年闡潛德故紙畱殘書
歎彼將雛燕慚茲反哺鳥

烈婦龔氏蘇州臨頓路人母業收生父鄙人
也烈婦美而賢嫁伶人吳聚奎未三載吳病
瘵死烈婦無所出誓守節其父強與已同居
聲言護之寶利其有伶遺衣飾頗富第丐衣
於嫂烈婦檢數事給之父怒出醜語且逼醮
烈婦不可日夜泣父益怒逼愈堅知不免乘
閒投繯未絕懸墜復甦乃不食越三日竟死
年二十餘時乾隆二十一年夏方大瘞其墓

諱爲疫死云

芝草不擇地汙泥藏白沙孰知檮棘叢乃有蘭蕙花
臨頓龔氏女生小字吳家良人隸菊部新婦玉無瑕
夫亡身依父柏舟矢舞他何憀霜露迫摧此蓬中麻
一朝畢素絲節義凌丹霞女死非不幸吾意重咨嗟
偕童石塘分轉漁周子堅離尹秦淮待月

薰風送微暑落日逢故人

榜題落日放船好

放舟秦淮渡不

見桃葉春板橋已陳迹簫管猶紛紛相將待明月水
閣清無塵對酒那不飲況復歌喉新吾曹各天涯聚
散如浮雲今日共歡謙明日東西分相逢且盡醉皓

色盈金樽

由太平門路中作

出自太平門鍾阜橫斜鐵路坦且直迢遞通棲霞
夾道灌木叢石榴方吐花濃紅閒衆碧點綴山人家
山禽飛復鳴樂此深樹遮物性各有適吾生豈無涯
艱危望知已未覺所願奢去去首重回石城遠嶮峽
毘陵烏龍菴余己巳攝尉武進時僑寓處也

迄今三十年矣重來下榻感賦二絕

三十年前僑寓時低頭矮屋漫吟詩草來尚有閒僧

識住持僧某當時爲沙彌今亦頌白矣卻訝青禽織已絲

回首東亭欲斷魂
當時朋舊幾人存
恩恩往事全如夢
狼藉青衫剩酒痕

舟過虎邱以雞酒澆故友吳醒蕉墓

把臂行吟取次看
山前山後共盤桓
一身骯髒生餘恨
七子凋零死更難

君七子前死者四其三亦相繼歿竟絕嗣

豈有盟言

愁腹痛每臨荒隴覺心酸
黃雞白酒聊持奠落木蕭

蕭劍水寒

鐵舟上人吾楚詩僧也工書畫余與有舊其

瘞在醒蕉墓左同時澆奠

平遠樓前景最奇
散金鋪隴暮春時

嘉慶戊辰春上人招飲所居李

王廟之平遠看花飲酒皆禪悟按曲調絃亦導師歷
樓共看菜花盡千山吳楚越傳來三絕畫書詩於今隻屬歸何處
荒草離離短簿祠

錢補履先生墓更在鐵舟之左分酒奠之

高人匿迹隱塵闌東郭從來履不完誰爲王生行結
襪卻聞貢禹坐彈冠學歸有用談何易先生講學劇
總歸實際劇到無聲演最難有訪先生於戲場者方欲有言先生
笑曰且看戲時場上扮演加官或問何如先生歎
曰古人之辭寡我未識君心嚮往一樽相酌菊初殘先生
名近仁崑山人見吳
德旋初月樓聞見錄

題療姑羹傳奇後

氤氳錯注鴛鴦牒詞客偏傳療妒羹世上庸庸何所
數最憐薄命屬傾城

姿才絕世本仙眞暫謫塵寰定有因猶幸小青遭妬
死不教廝養誤才人

寒夜獨遊衆綠園月明霜白清景觸懷漫成

一律

衆綠凋零歲已嚴獨耽幽寂喜安恬巷深街柝聲方
急塔迴簷鈴響更尖冷月光斜清夜永疏林影瘦峭
寒添徘徊忽憶童時事燈火芸窗夢黑甜

次夕月色尤佳

昨夜清游興不孤今宵重此對冰壺偷閒每歎人如
夢顧影方憐我亦腥地白凝霜渾訝雪蟾明微曙屢
驚烏嚴寒氣肅江湖遠好送歸帆過小姑

大兒月初言歸計程

應在江
西境矣

庚子

漫成

世閒恩怨苦難齊水淺蓬萊又作泥證父攘羊誇直
道何如日一攘鄰雞

古鏡篇

古鏡何黯澹斑駁神不全背有鏽文字鑄始天寶年

當時鑑毛髮牽綆秋月懸一朝蒙顧盼光景彌澄鮮
奕奕呈萬象取容鼻乃穿豈知墮塵埃鏽澁餘頑堅
盲人蓋卮喜復貢玉臺前不足正衣冠安能辨媸妍
鸞脣翠罷寫桃頰紅孰傳淬磨需妙藥誰爲負局仙
模糊欲世用終必遭棄捐吾面櫟子大愁容殊可憐
肝膽如許照顧此珠光圓瓦礫休唐突百鍊思其先
二月十一夜大雪

東風吹雪上花枝顚颺炎涼頃刻移任爾漫空誇白
戰薄寒應是不多時
衝寒那惜捲重簾潤澤應教草木霑霑海於今私禁

急祇宜飄絮莫堆鹽

花朝雪霽

別圃寒消霽色融枝枝玉樹曉籠瓊荒衙正愧花生
日粉飾園林賴化工

含葩桃柳未勝春都被寒威帶淺鬱終是老梅風骨
異一番雪後轉精神